



**Casparis Ziegleri De Episcopis eorumq[ue] juribus,
privilegiis, & vivendi ratione, Liber Commentarius**

Ziegler, Kaspar

Norimbergæ, 1686

IIX. De Patriarchâ Alexandrino.

[urn:nbn:de:hbz:466:1-61543](#)

accessit constitutio Justiniani novell. 123. c. 22. qui metropolitanum apud Patriarcham suum conveniri voluit, omissa electione agendi apud sedem Constantinopolitanam.

XXXIII. Cæterum, quod capite antecedente diximus de Johanne Patriarchâ Constantinopolitano, quos ille crabrones excitaverit apud Pontifices Romanos, postquam ille se Patriarcham Oecumenicum appellavit, non est, ut hic denuò repetam. Fortasse autem Johannes eo sensu, quo accepit Gregorius, & quo etiam hodiè captiunt Romani adulatores, qui Pam suum Episcopum universalem vocant, vocabulum istud acceptum noluit. Viderat ille, Urbem Constantinopolin, in quâ sedem habebat, maximè florere, & imperii simul sedem esse, Romam autem veterem, propter Longobardorum invasionem, paulatim tabescere & interitum minari, suæque nunc urbi inter urbes & oïnspiéns sive Imperii Romani, primum deberi locum, inde ipse se Patriarcham Oecumenicum dici voluit, eò quod magnæ partie ecclesiarum & oïnspiéns præfasset. Ut hunc potius, quam pesimum alium significatum Johanni in animo fuisse credam, facit ipsius Gregorii Pontificis Romani Johannem acerbè perstringentis epistola 24. & 30, quarum illa ad Anastasium Patriarcham Antiochenum, hæc verò ad Mauritium Imperatorem scripta est. Uterque admonuerat Gregorium, ille, ne in causâ nullâ, hic, ne propter appellationem frivoli nominis scandalum daret. Quibus proinde respondet Gregorius & se excusat. An verò putabimus, pium Imperatorem Mauritium adeò supinum, aut Anastasium adeò vecordem fuisse, ut ille omnes Episcopos gradu suo dejici rem frivolam, hic verò causam omnino nullam diceret, uterque autem hortarentur Gregorium, ne offendetur? Oecumenici itaque nomen eo sensu non acceperunt Constantinopolitanî, quo interpretatur Gregorius. Sed nec cedere voluerunt illi, ut maximè fremerent & indignarentur Romani. Quin mansit istud nomen penes Constantinopolitanos, & ab illis usurpatum in hunc usque diem.

CAP. VIII. *De Patriarchâ Alexandrino.*

I.

Quâ ratione Ecclesia Alexandrina in patriarchalēm erecta fuerit, jam supra, cùm de Patriarchis in genere verba facerem, exposui. Quemadmodum enim Alexandria Urbs totius Ægyptiacæ dioecesis, quæ Ægyptum, Lybiam & Pentapolin continebat, capit erat & metropolis: ita etiam omnium Ægypti provinciarum Episcopus præcipius erat Alexandrinus. Alexandriam ita commendat Theodoretus lib. I. c. 1.

AΛΕ-

Αλεξανδρεια πόλις ἦστι μεγίστη καὶ πολυπλοκότερη, εἰς Αἰγυπτίων μένον, αὐτὰ
καὶ Θηραίων καὶ Λιβύων τῶν τεσσάρων τὴν ἡγεμονίαν πεπιστεύθη. Ἀγγε-
πτος namque, Libya, & Pentapolis, uti jam dixi, constituebant integrum
diocesis Ἀgyptiacam. Divisione autem ulteriore factā extiterunt sex
illius diocesos provinciæ, quæ in notitiâ imperii recensentur hoc modo.
Sub dispositione Viri spectabilis præfetti Augustalis provincie infra scriptæ: Li-
bya superior, (Cyrenaica, pentapolis) Libya inferior (siccor, διψηφι-
siticulosa Synechio) Thebaïs, Ἀgyptus, Arcadia, Augustanica. Et inter omnes
harum provinciarum Urbes eminebat Alexandria. Ergo & Alexandrinus
Episcopus inter reliquos.

II. Ut τὰ πρεσβεῖα Patriarchæ Alexandrinî breviter describamus, in-
venimus ea planè singularia fuisse, qualia reliquis Patriarchis non compe-
tierunt. Horum enim potestas tempore Nicæni concilii tam ampla non
fuit, uti posterioribus esse cœpit. At Alexandrinus in universâ diocesi
Ægyptiacâ plenam potestatem habuit, etiam ante Concilium Nicænum.
Patet hoc ex canone sexto Nicæno, quo Alexandrinus Episcopo jura metro-
politica, quæ in Ægypto, Libyâ & Pentapolitano jam ante exercuerat, confir-
mantur. Verba hæc sunt: *Antiqui mores obtineant, qui sunt in Ægypto, Li-*
byâ & Pentapolitano, ut Alexandrinus Episcopus horum omnium habeat potestatem.
Nondum ille quidem tūm temporis Patriarcha dictus fuit, sed Episcopus
tantum, non simplex tamen is erat, aut provincialis, sed integræ diocesos
ex pluribus provinciis constantis. Et hinc adeò propter τὸ καθεδραὶ illud,
secundum quod singulos suos diocesos Episcopos ordinabat, revera erat
totius Ægypti metropolita, & jure metropolitico pertotam Ægyptiacam
diocesin utebatur, quod consecrationem & ordinationem Episcoporum
attinet. Jus istud plenius exprimitur in epistolâ Synodicâ Episcoporum
Nicææ congregatorum ad Ecclesiam Alexandrinam, quam recenset Socrates
lib. 1. c. 9. Agitur in eâ de Melitio, qui invalerat jura Episcopi Alexan-
drini, & de Episcopis ab eo temerè ordinatis. Et de his quidem hunc in
modum verba faciunt Patres Nicæni: *Ii verò, qui ab ipso constituti sunt, san-*
ctiore ordinatione confirmati ad communionem admittantur eâ lege, ut honorem
quidem ac ministerium suum retineant; secundo tamen semper loco sint ab iis omni-
bus, qui in unaquâq[ue] parœciâ & Ecclesiâ versantur, à charissimo Collegâ nostro
Alexandro prius ordinati. Et porro: Quod si quempiam eorum, qui in Ecclesiâ
censem̄t, diem suum obire contigerit; tñm in defuncti locum atque honorem pro-
vebantur ii, qui nuper adsciti sunt, modo digni videantur, & populus eos eligat,
suffragante nihilominus plebisq[ue] judicium confirmante Alexandrine Urbis Epi-
scopo. Hoc igitur jus habuit, hanc ἐξοχâ Alexandrinus Episcopus per
omnes Ægyptiacæ diocesos provincias, ut nullus Episcopus fieret absque
eius autoritate.

III. Videtur autem Episcopus Alexandrinus tūm temporis solus & unicus in suā diœcesi fuisse metropolitanus, neque metropolitanos alios sibi subjectos habuisset. Posterioribus verò temporibus, cùm ex Episcopis majorum oppidorum in provinciis suæ diœceseos nonnullos selegisset, eorumq; fidei ecclesiasticas quasdam minores portiones commisisset, similes illi quodammodo facti sunt aliarum provinciarum metropolitanis, & tūm etiam horum respectu Alexandrinus Episcopus potuit dici patriarcha. Nilominus tamen novellum istud nomen Patriarchæ etiam tūm, cùm metropolitanos nondum haberet, nec essent præter Episcopos alii, super quos evectus dici potuisset, propter amplissimam suam diœcesin sustinuit; cùm reliqui ideò terè Patriarchæ dicerentur, ut distinguerentur à metropolitanis quos sibi subditos habebant. Et sic igitur Alexandrinus Episcopus jus metropolitanum per totam suam diœcesin retinuit, etiam tūm cum jus Patriarchicum & nomen adeptus fuit, quale jus metropolitanum non habuit Patriarcha Constantinopolitanus, quippe qui propriam nullam habuit provinciam, cuius Episcopos ordinaret, nec etiam per totam sibi subjectam diœcesin Episcopos omnes ordinavit, sed solos metropolitanos.

IV. De hâc Alexandrini Episcopi potestate specialia possunt colligi testimonia *ex epist. 67.* Synesii, Ptolemaidis in Libyâ superiore sive Pentapolii Episcopi, cui ut μητροπολίτῳ ἐκκλησίᾳ metropolitana Ecclesiâ, ut ipse eam vocat, Episcopo metropolitici munieris aliquid commissum erat ab Alexandro Patriarchâ Alexandrino. Inter alia ait, Siderium Palæbiscæ Episcopum non legitimè sed contra jura creatum, εἰ μή πάντα Αλεξανδρεῖα κατίσῃ, μή πάντα τριῶν εὐθέως, καὶ εἰ τα σύγχυτα τε χειροτονίας ἐκεῖτερον εἴδεσθαι. Maximè improbat, quod Alexandriam non venisset, nec illic ordinatus fuisset. Tandem addit: *mibi in Vrbem redeundum est, ibi ejus quod mibi facendum est* (circa illum Siderium) *tesseram ac signum præstolabor.* In eâdem epistolâ refert Lamponianum presbyterum, quod Jasonem gravi injuria affecisset, ab Ecclesiasticâ communione a se separatum esse. Addit autem, *solvendi jus atq; autoritatem ad Pontificiam sedem* (Alexandri) si rejecisse. Maxime autem hoc pertinet, quod de Olbiatarum Episcopo refert, *epist. 76.* defuncto apud eos Athamante novi Episcopi creatione opus fuisse, tumq; Antonium quendam communis totius populi, deinde duorum Episcoporum & tandem suo etiam Synesii suffragio electum. Addit autem: *Vnum adhuc supereft, idq; præcipuum, sacra tua scil. manus.*

V. Ex eâdem Synesii *epist. 67.* disce licet, Episcopum Alexandrinum non ordinandi tantum, sed universa etiam Ecclesiastica negotia administrandi habuisse potestatem, quod & Epiphanius testatur *hæres. 68.* quando assérit, morem fuisse Alexandrinorum Archiepiscoporum per totam Ægyptum ac Thebaidem, Maræotam ac Libyam, Ammoniacam, Maræotidem & Pentapolim Ecclesiastica negotia administrare. Et hanc potestatem

tem exercuerunt illi, antequam Concilium Nicænum haberetur. Idq; patet ex supra nominati Melitii Lycopoleos in Thebaide Episcopi exemplo, qui propter multiplicia crimina, & inprimis, quod idolis sacrificasset, à Petro Alexandrino depositus fuit, uti scribit Athanasius *apol. 2. contra Arianos.* Eoq; jure etiam usus fuit Dionysius Episcopus Alexandrinus, postquam inaudivisset, in pentapholi amplexos fuisse nonnullos Episcopos sententiam Sabellii, eoq; processisse jam pestem illam, ut vix prædicaretur amplius in Ecclesiis filius DEI. Tum enim Dionysius curam earum Ecclesiarum habuit, & misit, qui pravas istas opiniones repremerent, & autores earum in salutis semitam reducerent, ut testatur idem Athanasius *de sentent. Dionysi contra Arian.* Atq; hinc recte statuitur, canonem VI. Concilii Nicæni non deordinandi tantum ritu, sed etiam de omni Ecclesiasticâ potestate accipiendum esse. Quem canonem intenderunt decem Episcopi Ægyptii in Concilio Chalcedonensi, dum *actione 4.* postquam Patriarcha suus Dioscorus ab Episcopatu remotus esset, subscribere recusarunt Epistolæ Leonis de verbi incarnatione ad Flavianum scriptæ, eo quod jam sine capite essent, & tum consuetudine, tum canone Nicæno prohiberentur quicquam agere siue præscitu & consensu Archiepiscopi Alexandrini.

CAP. IX.

De Patriarchâ Antiocheno.

I.

Antiochenus Episcopus uti initio inter tres, postea inter quinque pri-marios valde celebris fuit: ita inter Orientis diceceſeos metropolitanos utiq; eminuit & præcipiuſ extitit. Concilium Nicænum ejus facit mentionem, dum in famolo canone 6. servari vult ejus privilegia. Οποῖας, inquit, ἡ καὶ τὴν Ἀντιόχειαν ἡ ἐν ταῖς ἀλλασσαῖς επαρχίαις τὰ πέντε· Σάντα. σώμαδε ταῖς επαρχίαις. Similiter Ἑ in Antiochiā Ἑ in aliis provinciis privilegia serventur Ecclesijs. Concilium Constantinopolitanum I: ubi jubet Orientis metropolitanos solum Orientem administrare, Antiocheno simul inter illos jubet servari πεντέα, quæ ipſi à Concilio Nicæno effluit. can. 2. Theodoreus memorat, tum alias dioceses, tum omne Illyricum agnovisse Flavianum Antiochenum tum temporis Episcopum τῶν τῆς την αιατολήν εποκόπων ήγερθρον. lib. 5. c. 23. Sic & Dominus Episcopus Antiochenus in Synodo Antiochenâ dictus fuit τὸν Ἀιατολήν διοικήσεως εξαρχον.

II. Qualia autem tempore Concilii Nicæni ejus fuerint πεντέα, ad-huc disquiritur. Præcipuum & primum inter metropolitanos Orientis

Y 3

fuisse,